

Broj:L04-02/18

Datum:20.02.2018.

ZAPISNIK

Sa sedme sjednice LEF-a u novom sazivu

Sjednica je održana 20.02.2018. godine sa početkom u 14:30.

Sjednici su prisustvovali: Općinski načelnik Mato Zovko, Pomoćnik načelnika za gospodarstvo i finansije Namik Maličbegović, Pomoćnica načelnika za graditeljstvo i prostorno uređenje Brigita Lovrić, direktorica RAŽ-a Branka Janko, direktor JP Komunalno Mirko Šumić, pomoćnik direktora SMŠ „Žepče“ Nedim Mehić, ravnatelj TOŠ KŠC Don Bosco Marinko Antunović, Edin Čaušević – Frigošped d.o.o Žepče, Josip Jukić – California d.o.o Žepče, Vinko Katava – Vin Metal d.o.o Žepče, Drago Dunder – Fotograf-zlatar Dunder, Berina Grahić – Mudželet i Jugoslav Sarajlić ispred RAŽ-a.

Zapisnik sa 13. sjednice usvojen je jednoglasno.

Jednoglasno je usvojen i predloženi dnevni red i to:

1. Usvajanje Izvještaja o radu LEF-a za 2017. i Plana rada za 2018. godinu;
2. Usvajanje Strategije razvoja Općine Žepče za period 2018. – 2027.;
3. Usvajanje Plana implementacije PKI za 2018. godinu;
4. Odluka o utvrđivanju prosječne konačne građevinske cijene m² korisne stambene površine na području Općine Žepče;
5. Informacija o sigurnosnoj situaciji u Općini Žepče/Rad Policijske uprave u Općini Žepče u 2017. godini;
6. Informacija o radu JP Komunalno u 2017. godini
7. Osvrt na zaključke sastanka Općinskog načelnika sa poslodavcima, članovima Lokalnog ekonomskog foruma i Odbora za obrazovanje i zapošljavanje Općine Žepče.
8. Inicijative LEF-a;
9. Revidiranje sastava LEF-a u 2018. godini

Ad1

Predsjednik LEF-a predstavio je Izvještaj o radu LEF-a za 2017. godinu. Kako primjedbi nije bilo, isti je jednoglasno usvojen.

Predsjednik je predstavio i Plan rada LEF-a za koji je predloženo nekoliko izmjena:

- Tematsku sjednicu javno-privatnog partnerstva pomjeriti na mart/ožujka odnosno april/travanj 2018. godine
- U Plan uključiti zaključke sa sastanka Općinskog načelnika sa poslodavcima, članovima Lokalnog ekonomskog foruma i Odbora za obrazovanje i zapošljavanje Općine Žepče
- Planirati sastanak sa zastupnicima u skupštinama na svim razinama vlasti te resornim ministrima na svim nivoima vlasti a koji dolaze iz Žepče odnosno susjednih gradova.

Plan sa predloženim izmjenama se usvaja.

Ad2

Jugoslav Sarajlić je prezentirao nacrt Strategije razvoja Općine Žepče za period 2018. – 2027. godine. Na predloženi Nacrt primjedbe je iznio direktor JP Komunalno. Primjedbe se odnose na indikatore

uspješnosti projekata iz oblasti komunalne infrastrukture. Zaključeno da se predložene izmjene usaglasile sa Razvojnomo agencijom Žepče te da se iste uvrste u Strategiju. LEF je suglasan sa nacrtom Strategije.

Ad3

Jugoslav Sarajlić prezentirao je Plan implementacije PKI za 2018. za godinu. Na izloženi Plan nije bilo primjedbi.

Ad4

Brigita Lovrić predstavila je proces usvajanja Odluke o utvrđivanju prosječne konačne građevinske cijene m² korisne stambene površine na području Općine Žepče. Nakon dostavljenih podataka od tri lokalne građevinske firme, prosječna građevinska cijena iznosi 772,20 KM. LEF daje preporuku OV-u da usvoji nižu osnovicu koja će iznositi 600,00 KM.

Ad5

Predsjednik LEF-a prezentirao je Informaciju o stanju bezbjednosti na području Općine Žepče u 2017. godini nakon čega je otvorena diskusija.

Vinko Katava iznosi primjedbe na bahato ponašanje pojedinih policijskih službenika, raspored radara te na učestalu pojavu provalnih krađa koje se ne procesuiraju.

Edin Čaušević predlaže da se mimo Zaključka OV-a ispred LEF-a dostavi mišljenje o radu policije.

Također predlaže da se, radi bezbjednosti, pojača kontrola alkoholnih prekršaja posebno u danima vikenda.

Nedim Mehić ističe da je saradnja SMS „Žepče“ i PU Žepče jako dobra ali da nije zadovoljan izvještajem i radom pojedinih policijskih službenika.

Mirko Šumić predlaže pojačanje kontrole nepropisnog parkiranja i zaustavljanja u gradskom središtu.

Josip Jukić ističe ocjenjuje pozitivnim prisustvo policijskih automobila sa rotacijom na lokalitetu Brankovića i na drugim lokalitetima uz M17 te predlaže da se isto primijeni i u drugim mjesnim zajednicama kako bi se preventivno djelovalo na potencijalne izvršioce prekršaja i krivičnih djela.

Marinko Antunović smatra da policijski službenici odbijaju intervenisati posebno na području suzbijanja konzumacije i distribucije narkoticima. Smatra da je policija upoznata sa informacijom da su učenicima lako dostupni narkotici ali da se po tom pitanju ne radi dovoljno.

Vinko Katava predlaže testove na narkotike među učenicima.

Drago Dunđer predlaže da LEF uputi svoj stav i zaključke prema policiji u kojima treba skrenuti pažnju na nered na gradskim raskrsnicama.

Zaključeno je da će tehnički sekretarijat pripremiti zaključke i dostaviti ih prema PU Žepče.

Ad6

Mirko Šumić, direktor JP Komunalno predstavio je Izvještaj o radu JP Komunalno za 2017. godinu osvrnuvši se na prepreke u radu ovog preduzeća koje se odnose na neriješeno pitanje gradske deponije „Tebetović“ te sječnu šume iznad otvorenog vodozahvata „Ravna rijeka“. Naglasio je da u 2018. godini nisu planirana nova poskupljenja.

Ističe da je u sklopu MEG projekta JP Komunalno započelo sa preciznim mjerenjem neprihodovane vode te da će se tokom 2018. godine aktivno raditi na smanjenju procenta neprihodovane vode ali i kandidovati projekte sanacije vodovodne mreže. Istakao je da je JP Komunalnom kroz MEG projekt osiguran suvremeni računovodstveni softver koji će u mnogome olakšati rad ovog preduzeća.

Branka Janko, Direktorica RAŽ-a je dodala da MEG projekt pored komponente okolišnog upravljanja radi na unaprjeđenju dobre uprave te da se u 2018. godini očekuju grant sredstva u iznosu od 136.000 CHF koje ovise o napretku Općine po postavljenim indikatorima.

Informacija je primljena k znanju.

Ad7

Općinski načelnik se osvrnuo na sastanak sa poduzetnicima i poslodavcima, članovima LEF-a i Odbora za obrazovanje i zapošljavanje. Ističe da su zaključci dostavljeni prema federalnoj i kantonalnoj vladi, resornim ministarstvima federalnog i kantonalnog nivoa te privrednim komorama. Edin Čaušević predlaže da Općina više ulaže u reklamiranje po modelu marketinga BEAR područja. Također predlaže uvođenje jedne smjene za učenike bošnjačke i hrvatske nacionalnosti.

Ad8

Novih inicijativa nije bilo. Članovi su saglasni da se radi na već pokrenutim inicijativama.


Ad9

Branka Janko izvijestila je LEF da mandat aktualnim članovima ističe 31.03.2018. te predlaže organizaciju sektorskih sastanaka u cilju izbora novih članova. Vinko Katava najavljuje prestanak svog članstva te predlaže da se na sektorskom sastanku izabere novi predstavnik metalnog sektora.

LEF predlaže godišnji sastanak poduzetnika u Općini Žepče te studijsko putovanje u neku od zemalja EU radi razmjene iskustava na području javno-privatnog dijaloga.

Sastanak završava u 17:00 sati.

Zapisnik vodila


Berina Grahić - Mudželet


Predsjednik LEF-a

Namik Maličbegović